

Na osnovu člana 15. stav (1) Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16) i člana 17. Zakona o Savjetu ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Agencije za lijekove i medicinska sredstva Bosne i Hercegovine, Savjet ministara Bosne i Hercegovine na \_\_\_\_ sjednici, održanoj \_\_\_\_\_ godine, donio je

**ODLUKU  
O UTVRĐIVANJU MINIMUMA PROCESA RADA U  
AGENCIJI ZA LIJEKOVE I MEDICINSKA SREDSTVA BOSNE I HERCEGOVINE ZA  
VRIJEME TRAJANJA ŠTRAJKA**

**Član 1.**

(Predmet Odluke)

Ovom odlukom utvrđuje se minimum procesa rada u Agenciji za lijekove i medicinska sredstva Bosne i Hercegovine (u daljem tekstu: Agencija) za vrijeme trajanja štrajka.

**Član 2.**

(Pravo na organizovanje štrajka)

Zaposleni u Agenciji mogu organizovati štrajk u skladu sa Zakonom o štrajku u institucijama Bosne i Hercegovine ("Službeni glasnik BiH", broj 41/16), na način koji neće ugroziti javni interes, opštu sigurnost, sigurnost lica i imovine, kao i samo funkcionisanje Agencije.

**Član 3.**

(Minimum procesa rada)

- (1) Zaposleni u Agenciji mogu početi štrajk, ako se obezbijedi minimum procesa rada koji osigurava nesmetano funkcionisanje Agencije i obavljanje osnovnih djelatnosti iz njene nadležnosti.
- (2) Minimum procesa rada u Agenciji za vrijeme trajanja štrajka ostvaruje se u obimu do 20% kadrovskih kapaciteta Agencije.

**Član 4.**

(Kriteriji za osiguranje minimuma procesa rada)

Minimum procesa rada u Agenciji za vrijeme trajanja štrajka određuje se prema slijedećim kriterijima:

- a) postojanje obaveznih rokova za okončanje poslovne aktivnosti;
- b) vezanost poslovne aktivnosti za obavljanje svih drugih poslovnih procesa u Agenciji;
- c) značaj poslovne aktivnosti za rad drugih institucija Bosne i Hercegovine.

**Član 5.**

(Poslovi za koje se određuje minimum procesa rada)

Za vrijeme trajanja štrajka minimum procesa rada se mora obezbijediti na slijedećim poslovima:

- a) poslovi pisarnice koji se odnose na prijem i zavođenje akata i otpremu pošte;
- b) poslovi iz domena zaštite prava koji se odnose na žalbene i disciplinske postupke vezane za zakonom propisane rokove.

Član 6.

(Odluka o raspoređivanju zaposlenih u Agenciji u slučaju štrajka)

(1) Ukoliko do početka štrajka ne dođe do rješavanja spora mirnim putem, direktor Agencije posebnom odlukom određuje zaposlene koji su dužni raditi za vrijeme štrajka, radi obezbjeđenja minimuma procesa rada.

(2) Direktor Agencije ne može odlukom iz stava (1) ovog člana, bez prethodne pismene saglasnosti štrajkačkog odbora, odrediti da rade članovi štrajkačkog odbora.

(3) Za vrijeme trajanja štrajka, organizatori štrajka su dužni da saraduju sa direktorom Agencije radi obezbjeđenja minimuma procesa rada.

Član 7.

(Provođenje Odluke)

Za provođenje ove Odluke zadužuje se Agencija.

Član 8.

(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

SM broj \_\_\_\_\_  
\_\_\_\_\_ godine  
Sarajevo

Predsjedavajući  
Savjeta ministara BiH  
Dr Denis Zvizdić

## **OBRAZLOŽENJE**

### **ODLUKE O UTVRĐIVANJU MINIMUMA PROCESA RADA U AGENCIJI ZA LIJEKOVE I MEDICINSKA SREDSTVA BOSNE I HERCEGOVINE ZA VRIJEME TRAJANJA ŠTRAJKA**

#### **I PRAVNI OSNOV**

Pravni osnov za donošenje Odluke je sadržan u članu 17. Zakona o Savjetu ministara BiH („Sl. glasnik BiH“, br. 30/03, 43/03, 81/06, 76/07, 81/07, 94/07 i 24/08), prema kojem Savjet ministara u ostvarivanju svojih prava i dužnosti donosi odluke, zaključke i rješenja, usvaja nacрте i prijedloge zakona, analize, informacije i druge akte, te u članu 15. stav (1) Zakona o štrajku zaposlenih u institucijama Bosne i Hercegovine ("Službeni glasnik BiH", broj 41/16, u daljem tekstu: Zakon), prema kojem Savjet ministara BiH, na prijedlog Sindikata Agencije za lijekove i medicinska sredstva BiH, utvrđuje prijedlog Odluke o utvrđivanju minimuma procesa rada u Agenciji za vrijeme trajanja štrajka.

#### **II RAZLOZI ZA DONOŠENJE ODLUKE**

S ciljem omogućavanja osnovnog procesa rada u slučaju štrajka radi zaštite javnog interesa, opšteg interesa građana, opšte sigurnosti, sigurnosti osoba i imovine, vodeći posebno računa da se moraju osigurati nesmetani uslovi života, tada i kretanja osoba, robe i usluga.

#### **III OBRAZLOŽENJE POJEDINIH PRAVNIH RJEŠENJA**

- U članu 1. Odluke definisan je predmet Odluke, odnosno minimum procesa rada u Agenciji za lijekove i medicinska sredstva BiH za vrijeme trajanja štrajka.
- U članu 2. Odluke definisan je pojam minimuma procesa rada u skladu sa članom 15. stav (1) Zakona o štrajku zaposlenih u institucijama BiH,
- U članu 3. Odluke dato je pojašnjenje na koji način će se osigurati minimum procesa rada zaposlenih u Agenciji,
- U članu 4. propisano je stupanje na snagu ove Odluke i obaveze objave iste u Službenom glasniku BiH, Službenom glasniku RS i Službenim novinama FBiH.

#### **IV POTREBNA SREDSTVA ZA PROVOĐENJE ODLUKE**

Nisu potrebna posebna sredstva za provođenje ove Odluke.

**SINDIKAT AGENCIJE ZA LIJEKOVE I MEDICINSKA SREDSTVA  
BOSNE I HERCEGOVINE**

---

Broj: 10/18  
Datum: 16.10.2018. godine

Agencija za lijekove i medicinska sredstva BiH

n/r dr. Aleksadar Zolak, direktor

Predmet: Saglasnost sindikata na prijedlog poslodavca

Poštovani,


Članom 15. stav (1) Zakona o štrajku zaposlenih u institucijama Bosne i Hercegovine („Službeni glasnik BiH“, broj 41/16) propisano je da se minimum procesa rada utvrđuje aktom koji donosi Vijeće ministara BiH u formi odluke temeljem prethodno dostavljenog prijedloga poslodavca na koji je pribavljena suglasnost sindikata, radi zaštite javnog interesa, općeg interesa građana, opće sigurnosti, sigurnosti osoba i imovine, vodeći posebno računa da se moraju osigurati nesmetani uvjeti života, rada i kretanja osoba, robe i usluga. U stavu (2) istog člana propisano je da zaposleni ne mogu stupiti u štrajk prije utvrđivanja minimuma procesa rada.

Na osnovu gore navedenog Upravni odbor Sindikata Agencije za lijekove i medicinska sredstva Bosne i Hercegovine, nakon što je razmatrilo prijedlog Odluke o utvrđivanju minimuma procesa rada u Agenciji za lijekove i medicinska sredstva Bosne i Hercegovine, koju je dostavio poslodavac, daje svoju saglasnost na isti.

S poštovanjem,

DOSTAVLJENO:

- naslovu;
- a/a.



Predsjednik Sindikata

Ramo Rustemović